



INSTITUT ZA RAZVOJ MLADIH KULT

Ul. 4. viteške brigade 34-36 BA, 71210 Ilidža, Sarajevo

E-mail: kult@mladi.org

Tel.: 033 778 778; fax: 033 778779

Web: www.mladi.org

Opština Laktaši budući partner Institutu

Tokom oktobra održan je sastanak načelnika Laktaša gosp. Milovana Topalovića i Jasmina Bešića, direktora Instituta za razvoj mladih KULT, uz prisustvo grupe službenika/ca za mlade iz cijele BiH. Direktor Instituta istakao je važnost programa koje provodi Institut te ukazao na značaj pozitivnog utjecaja na živote mladih u BiH i šire. Obje strane za zadovoljstvom su se složile da u budućnosti treba preduzeti dodatne zajedničke inicijative u oblasti omladinskog sektora.

Službenici/e za mlade odredili prioritete svog djelovanja



Regionalni seminar *Izazovi i perspektive pozicije službenika/ca za mlade* održan je u Laktašima. Seminaru su prisustvovali službenici/e za mlade iz BiH i Srbije, koji su razgovarali o izazovima njihovog radnog mjesta koje mogu primijetiti nakon završene obuke za službenike/ce za mlade te o perspektivi njihovog radnog mjesta za budućnost. Kao neke od svojih snaga službenici/e za mlade su naveli svoju dosadašnju edukaciju, komunikacijske vještine koje im pomažu pri komunikaciji s omladinskim sektorom, kao i to što su certificirani službenici/e za mlade.

Ipak, svjesni su i svojih slabosti kao što je nedostatak prisustva na terenu, te nedovoljno korištenje medija i javnih nastupa uz pomoć kojih bi informirali mlade iz svoje lokalne zajednice.

Izrađen katalog pitanja za stručni ispit službenika/ca za mlade

Tim Instituta za razvoj mladih KULT izradio je katalog pitanja za pismeni i usmeni ispit kandidata/kinja koji će ubuduće polagati stručni ispit za poziciju službenika/ce za mlade te ga dostavio Agenciji za državnu službu Federacije BiH (ADS FBiH), koja je partner u ovome procesu. Zajedno s katalogom pitanja, ADS FBiH poslan je i spisak stručne literature na osnovu kojeg će službenici/e za mlade moći pripremati stručni ispit.

Primili ste narandžastu čestitku? Vidi nevidljivo?

25. oktobra održao se petnaesti Narandžasti dan koji Institut za razvoj mladih KULT obilježava u prevenciji nasilja nad ženama i djevojkama.

Nasilje nad ženama i djevojkama globalni je problem, a kontinuirani rad na prevenciji od primarnog je značaja za sprječavanje i smanjivanje nasilja.



Kampanjom Narandžasti dan razvijamo vještine građanstva kako bi komunikacijom i poštivanjem suvereniteta osobe gradili pozitivne odnose, ali i prije svega bili svjesni stvarnog stanja i prisutnosti ovog problema čijem rješenju moraju doprinijeti.

Kako protiv trgovine ljudima na Ilidži

Vršnjački edukatori/ce o temi trgovina ljudima nakon uspješno završene obuke za vršnjačke edukatore/ice koju je Institut za razvoj mladih KULT realizirao u saradnji s Njemačkom razvojnom agencijom GIZ, počeli su rad s mladima iz svojih lokalnih zajednica. Vršnjački edukatori/ce krajem septembra proveli su 2 edukativne vršnjačke radionice o problemu i načinu borbe s trgovinom ljudima.

INSTITUT U 1325 savjetodavnom tijelu

Saradnja NVO i Koordinacionog odbora za praćenje provedbe Akcionog plana za provođenje UNSCR 1325 u Bosni i Hercegovini potvrđena je potpisivanjem Memoranduma o razumijevanju, koji je potpisalo 13 predstavnica nevladinih udruženja iz cijele Bosne i Hercegovine i direktorica Agencije za ravnopravnost spolova, Samra Filipović-Hadžiabdić. Institut za razvoj mladih KULT jedan je od potpisnika memoranduma čime preuzima savjetodavnu ulogu u pripremi i pisanju drugog Akcionog plana za provođenje UNSCR 1325 u Bosni i Hercegovini na period 2014.-2017. te praćenju njegovog provođenja u ovom periodu.

Jeste li OFF ili ON

Omladinski lideri/ce mreže UMiD Alumni su u sklopu internog poziva koji je raspisao Institut za razvoj mladih KULT realizirali regionalnu građansku inicijativu.

Projektni tim je posjetio omladinske lidere/ice iz Zenice i regionalnu građansku inicijativu nazvanu OFF/ON aktivizam. Organiziranjem treninga za mlade o temi Društveni mediji i aktivizam mladih, koji su vodili gospodin Darko Brkan i gospodin Mirnes Zukić, uspjeli su okupiti mlade iz tri lokalne zajednice Visokog, Žepča i Zenice.



Dani otvorenih vrata Spjalice

Početkom oktobra održana je manifestacija Dani otvorenih vrata SPAJALICE. Učenici sedmih, osmih i devetih razreda iz svih škola sa Općine Ilidža su se družili i uživali u trosatnom druženju sa vršanjacima/kinjama i vrijednim volonterima/kama Instituta.

Edukativne radionice vezane za aktualna pitanja i probleme sa kojima se pomenuta uzrasna grupa susreće, oduševile su naše učesnike/ce.

Završena obuka za rad u medijima



Kako bismo dodatno educirali stipendiste/ice koji rade na časopisu o radu s mladima IUVENTA i mlade novinare/ke ONAuBiH odlučili smo organizirati obuku koja ima je zasigurno pomogla.

Tema je bila *tematski časopis i njegovi ciljevi*. Trener gospodin Radenko Udovičić, direktor Media plan Instituta, je tokom dvodnevne radionice mladima prenio znanje o karakteristikama časopisa, s posebnim osvrtom na *news* magazine, specijalističke i omladinske časopise.

Kafe s...

Institut za razvoj mladih KULT promovira omladinski aktivizam, volontiranje i politiku prema mladima te u skladu s tim provodi aktivnosti u okviru kojih se mladi upoznaju sa osobama koje direktno ili indirektno kreiraju društveno-politička dešavanja u njihovoj lokalnoj zajednici.

Tokom oktobra u SPAJALICI je održano pet druženja *Kafa s...* Gosti su bile uspješne žene u politici iz općine Ilidža: gđa Smiljana Viteškić, predsjedavajuća općinskog vijeća Općine Ilidža, gđa Azreta Grebović, sekretar općinskog vijeća, vijećnica Ajla Milišić, zatim predsjednica asocijacije žena SDA Ilidža gđa Ifeta Džuho Muratagić te gđica Ajla Husejnović, predsjednica foruma mladih SBB Ilidža.

Kafe s... su održane u okviru inicijative *Jednake mogućnosti za žene i muškarce u politici* kojom koordinira TPO Fondacija u partnerstvu sa Institutom za razvoj mladih KULT.

